

1	Ds	Sta Elia
2	Dm	Présentacion
3	DI	St Blasi
4	Dma	Sta Veronica
5	Dme	Sta Agata
6	Dj	St Gaston
7	Dv	St Amand

La Letra de l'ostau gascon

deu 31 de genèr 2020

Lo mes de la nèu

Cau que heurèr hènreja.

E sustot la santat

Es la costuma pels vòts del cap de l'an de se desirar la santat : « ...e sustot la santat, en primièr la santat ! » remenam cada an milierats de còps.

Plan evidentament, la santat es l'element lo mai universal, lo mai federator, lo mai transversal, d'una classa a l'autra de la societat, que tot lo monde a lo siu « capital santat » coma dison los economistas, que, sens la santat podètz pas profiter de tot çò que vos poiriá portar la mai bèla fortuna del monde. La santat, aquò's lo consensus ni d'esquèrra ni de dreita, ni dels que son en camin en avant o de recuolas o en travèrs o que demòran sus plaça.

Çaquela, desirar la santat jos-entend de desirar tot çò que la pòrta, la manten e de s'estalviar tot çò que la pòt roïnà. Desirar la santat es desirar de se poder pro noirir, de manjar a la siá talen e de poder manjar pas que de productes sanitoses e sens cap de poisons ; desirar la santat es desirar de se desassedar d'una aiga canda sens nitrats ni pesticides, e de poder alenar un aire pur, sens micro-particulas o gazes toxics ; desirar la santat es desirar un trabalh sens una penibilitat fisica que vos brigalha lo còs, ni sens las ànsias – stress en francés -, sens l'adeliment – burn out en francés - que vos degalha l'esperit ; desirar la santat es desirar, quand aquela trantalha, de se poder trapar un mètge, un especialista sens esperar setmanas o meses, una plaça a l'espital, o, se se'n vira, a las urgéncias, prèp de l'ostal.

Desirar la santat es fins finala desirar un monde melhor que lo profit i senhoreje pas mai en mèstre per la nos roïnà.

Desirar la santat es desirar l'utopia.

Aital, personalament la gausi pas pus desirar.

Çaquela, vos desirarai de gardar l'espera a l'aveniment d'un monde melhor que i posquèssem viure uroses e ... en bona santat !

Lo Bernat contaire

Entà dançar, escotar, devisar, musiquejar e bolegar !!!

Divès, lo 31 de Genèr de 2020

Agen (47) – Carrèra Lakanal – conferéncia musicala au parat deus instruments tradicionaus de musica de l'Aragon, perpausada per Sergi Llèna : Gaita de boto, trompas, dulzainas, percussions – Entresenhas : 06 32 46 84 74 – A gratis

Dissabte, 1er de heurèr de 2020

Eusa : Sala de la Capèra (553 avenguda de las Pirenèus) a 17 h 30 AG deu Ver luisant – repaish partatjat – 21 h Concèrt jazz manoish dab un duò de guitarra « Swing Gums » -

<http://www.leverluisant.org/node/666>

Sent Lis - Escòla F. Arthaud - Aigabèra - 14 h : Dictada Occitana - 06 23 47 46 43 -

paisdelacatinou@gmail.com

Lo petit Sent Martin (47) – Sala de las hèstas a 21oras enlà – Bal Gascon : Danças tradicionaus e musica de Gasconha e deu parçan – Prètz : 8€

Reaub Lissa (47) – Sala de las hèstas a 20h30 enlà – Bal Trad – Prètz : 9€

Pau – Plaça deu Heirau a 11h30 enlà – Sauts bearnés. Los menestrèrs Gascons que'vs balhan rendètz-vos cada prumèr dissabte deu mes a despart de las vacanças d'estiu e vos convidan a dançar e jogar los sauts bearnés – A gratis.

De las halas a la plaça Clemenceau- 13h30 – Passa-carrèra de la Candelèra

Auloron Senta Maria (64) – Plaça Sent-Peira a 16 oras30 enlà – Bal Gascon – 15h00 : Aviada dempuish la plaça de la Catedrau Sent-Maria – 16h30 : Arribada Plaça Sent-Pèir e bal animat per Licotissa – A Gratis

St Antòni de Ficalbà (47) – 21 h – Bal dab « Pol'Jo » & « Los Gaiteros » de Graus- 5 € - 20 h : Aubèrja espanhòla (bevuda sus plaça) – empont dubert (prenguetz los vostes instruments) – inscripcions au 06 42 22 46 44

Deu Dissabte, lo 1er au Dimeg, lo 02 de Heurèr de 2020

Sent Antonin (82) – Sala de las hèstas a 11oras enlà – Flor Flor Bal – Au programa : Dissabte ser , après lo repaish; en prumèra partida poèmas electricics dab Amandine Monin, seguit de « Remy Tatarde » e « Carlos Valverde » e « le Forró Magnetico ».

Dimeg meijorn e vrespe:

bal de restitution deu talhèr musicau seguit de « Carlos Valverde » e deus sons compairs.

Bar e aubèrja espanhòla, debat la hala o dens la sala en fonccion deu temps.

Des stages sur le week-end :

Dissabte 13oras e miei – 15oras e miei: tango mazurka dab Remy Tatarde

Dissabte 13oras e miei-15oras e miei dimeg, 10 oras e miei- 12 oras e miei musida ritmica e melodica dab « Carlos Valverde », « Lucas et Romain ».

Dissabte 16-18 oras : Forró dab « Magali et Omar », trabalh de danças tots nivèus benvenguts! – Entresenhas : 06 73 30 13 98

Prètz : bal solet; 8 euros / estagi danças e bal: 15 euros / Estagi musicau e bal : 30 euros.

Dimeg, lo 2 de heurèr de 2020

Valença de Baïsa – 17 h –Candelèra, animacions taus dròlles e adultes, cauceras, farandòlas, alargada de l'ors, passejada a las candelas, cants, contes, danças.

Tesac (47) – Sala de las hèstas de 15oras a 19oras – Bal Trad – Prètz : 5 €

Divès, lo 14 de heurèr de 2020

Labejan – Bar restaurant – 19 h – CANTERA !!! – possibilitat de minjar sus plaça (de cap a 20h30) : assieta + dessèrt (12€) – reservacion obligatòria avant lo dimecres 12 a 20h.



Las cronicas deu Bernat Contaite se tornan trobar e s'escotan suu siti de l'associacion :

<http://lo-luquet-occitan.fr/>

La Joyeuse Académie de Carnaval organiza lo tornar de l'Estabosit a Condòm

La temporada de Carnaval s'apressa, e 2020 serà de marcar d'un calhau blanc, pr'amor serà l'annada deu reviscol deu Carnaval Gascon de Condòm ! Aqueste carnaval tradicionau hica en scèna lo personatge de l'Estabosit (alter-ego de Sent-Pançard dins lo Carnaval Biarnés).

Un reviscol que hè gai au Geors Nosella, benevolent de la Joyeuse Académie de Carnaval :

" Que cau plan que l'Estabosit venguesse un pauc ende hèr la hèsta deu costat de Condòm tanben, perqué es damorat deu costat de Pau o deu costat de L'Isla-de-Baish... Qu'avèm tanben l'enveja nosauts, de'u véser e que sabem plan que va vènguer ! [...] Tà hèr còrrer Carnaval, que i a gents adara deu costat de Condòm que son a còrrer tanben un pauc pertot : deu costat de Valença, deu costa de Moishan, deu costat de Caussens... tà hèr viver tot aquò."

Un carnaval que se debanarà pendent tot lo mes de heurèr a Condòm mes tanben dins los vilatges a l'entorn, un biais de federar lo monde dins un ambient plan gaujós e amistós. Lo prumèr rendetz-vos es programat a Valença-de-Baïsa per Candelèra, dimenge lo 2 de heurer. Au darrèr, pendent las vacanças d'ivèrn, i aurà de talhèrs ende que cadun posca aprènguer los rudiments de las cantas, de las musicas e de las danças tradicionals associadas a-n-aqueth eveniment hestiu. Pr'amor Carnaval dèu hèster una hèsta on cadun pòt participar. Coma ac ditz lo Geors Nosella : *"Carnaval es una hèsta on lo monde dèu pas èster simple espectador, mes puslèu actor vertadièr."*

Totas las actualitats son de seguir sur :

<https://www.facebook.com/Joyeuse-Acad%C3%A9mie-de-Carnaval-104977971053913/>

Emilia Castanhèr per Ràdio País.



L'IVERN GASCON (seguida e fin)

Qu'eths hèn a mila jòcs plasents,
Ils s'occupent à mille jeux plaisants,
A mila plasers innocents,
A mille plaisirs innocents,
Au lòc que l'estiu ni l'autona,
Alors qu'en été ou en automne,
Eths n'an pas ua ora de bona ;
Ils n'ont pas une seule heure de répit ;
E mès en la prima adejà,
Et que dès le printemps,
Eths non hèn que marrossejar.
Ils ne font que trimer.
Jo son sol la patz de la tèrra,
Je suis seul la paix de la terre,
Pendent mons jorns non i a pas guèrra,
Pendant ma saison pas de guerre,
Pendent las autas tres sasons
Pendant les autres saisons
Tot lo mond sòrt de sas maisons
Tout le monde hors des maisons
Per anar còrrer la garia
Pour aller battre la campagne
E per hè tota minjaria,
Et pour faire toute bombance,
Mès tot lo mond pendent mons jorns
Mais tout le monde pendant ma période
Es per las vilas e peus borgs,
Est par villes et par bourgs,
On afraïrats a bèras tropas,
Où fraternisant en groupe,
En bona patz minjan sas sopas :
En toute amitié mangent leur soupe :
Car jo m'ac hèu tot vènguer a mai
Car je fais tout à l'avenant
Com hè la calor de mai,
Comme fait la chaleur de mai,
Lo Paisan a sas abelhas,
Le paysan a ses abeilles,
Au son de dalhas e d'arrelhas.
Au son des faux et des socs.
Jo son lo mètge de tots maus.
Je suis le médecin de tous maux.
Mon poder saberuc e nòble
Mon pouvoir savant e noble
Pòrta santat a tot lo pòble,
Porte santé à tout le peuple,
Purgui l'aire, purgui lo còs,
Je purge l'air, je purge le corps,
La carn, las veas e los òs,
La chair, les veines, et les os,
Purgui l'umor, caci la rèuma,
Je purge l'humeur, je chasse le rhume,
Dessipi la gahanta flèuma,
Je dissipe la prégnante indolence,
Desenfeccishi tot lo mond,
Je désinfecte tout le monde,
Ne tiri pèsta e mès carbon,
J'en retire la peste et le charbon,
Atau guarit tot m'ac engrèishi,
Ainsi guéri tout me profite,

Ta sabrosament m'ac pèishi,
Aussi agréablement je me repais
Atau tot de m'en-hla e me creish,
Aussi tout me profite,
Tot m'es joiós coma lo peish.
Tout me rend joyeux comme un poisson.
Be se par si mon temps agrada
Cela est connu que ma saison plait
A ma sortida e mon entrada,
Du début à la fin,
Puishque comenci per Nadau,
Puisque je débute par Noël,
De l'an la hèsta mès gadau,
La fête de l'année la plus joyeuse,
E per Quarementrant qu'acabi,
Et je m'achève par Carnaval,
O ta' 'stèrlament jo'm destravi
Ou si habilement je me libère
Que tot lo pòble qu'es e'u mond
Que tout les gens au monde
En alegressa se con-hon.
En allégresse de confond.
Qui poirà donc me contradiser
Qui pourra donc me contredire
Qui non sirà costrent de díser,
Qui ne sera contraint de dire,
Après tant e tant de rasons,
Après tant e tant de raisons,
Que jo son rei de las sasons ?
Que je suis le roi des saisons ?
Mon Sarrant, lo bon Diu te donga
Mon Sarrant, le bon dieu te donne
Ací bas bona vita longa,
Ici bas bonne et longue vie,
Qu'après i aver vist cent ivèrns
Qu'après y avoir vu cent hivers
Eth te presèrve deus in-hèrns.
Qu'il te préserve des enfers.
Mès s'aquesta sason on glaça
Mais si cette saison de frimas
En estar plan sarrat se passa,
D'être bien emmitouflé se passe,
Jo t'aconselhi, MON SARRANT,
Je te conseille, MON SARRANT ?
D'estar plan sarrat e sarrant,
D'être bien vêtu et bien emmitouflé,
Que tas aguilletas tu sarres,
Que tes aiguillettes tu serres,
Que traucs e hendassas tu barres
Que trous et fentes tu fermes
Deus sabatons denqui au berret
Des sabots jusqu'au béret
S'es question de't guardar de fret.
S'il est question de te garder du froid.
Mès s'es question de bona chèra
Mais s'il s'agit de bonne chère
E de hè tindar la vaishèra,
Et de faire tinter la vaisselle,
Jo t'aconselhi, MON SARRANT,
Je te conseille, MON SARRANT
De n'èster sarrat ni sarrant.
De n'être ni serré ni serrant.

I. G. Dastròs



CONTES D'UN DOMAN ACABAT Viahòra !

Amigas e Amics, Las edicions Sud-Oest tornan lançar lo noste obratge bilingue "CONTES d'UN DOMAN ACABAT". Qu'es disponible au pretz de 7.90€ en çò deu voste librari o en çò d'un gran distributor. (en estòc o de comandar). Que podetz tanben lo nos comandar directament o lo crompar au moment deus nostes espectacles. Coma pr'exemple doman ser au Talhan/Medòc ! Podetz tanben en hèr la promocion auprèp de mediatecas o bibliotecas. Se sap tanben qu'au termi de 3 ans d'estocatge en çò de l'editor, lo exemplaris demorants son esbrojats...

Adishatz e a lèu ! Bigardoy - 33210 PREIGNAC - 05.56.63.14.63 - contact@gricdeprat.com - <http://gricdeprat.com>

Totas las actualitats son en linha suu siti : www.ostaugascon.wordpress.com

Associacion aderentas : ACPGP, Alavetz, ARIAC de Gascogne, Bellegarde, Bèths còps, Calandreta 32, C.A.M.O.M, Canta l'Isla, Carnaval Gascon, CREO 32, Escota e minja, FD Foyers Ruraux 32, Les gasconnades, Musée de l'École Publique St-Clar, Musée Paysan Emile, Musiquejam, Peadas, La Petite Porte, Les p'tits Balauchs, Ràdio País 32, Le Rondeau de Margouët, Lo rondèu de Castelnau, Tojo Trad, Trad'Envie, La Varangue, Le Ver Luisant, Los Vestaires



36, arrua deus Canaris - 32000 Aush
ostaugascon.wordpress.com
ostaugascon@gmail.com
[@ostaugascon](https://twitter.com/ostaugascon)



Ende los vòstes eveniments o vos desabonar, enviatz un corric a : ostaugascon@gmail.com